

re, qui Judæi essent. Et si milites fuerunt, quare in tanta militum multitudine soli Brutii electi, ut immane facinus exequerentur? Non quia ipsorum erat officium; jam enim hoc in superioribus est rejectum. Non quia Centuria ex solis militibus Brutii componebatur; quia plures in ea erant non Brutii. Ex quatuor autem militibus, qui Christi cruci affixioni astiterunt, singulatim probabimus, duos saltem Brutios non fuisse.

Denique fallitur Salmeron, quum Brutios tantum Consentiae, & in pagis Consentiae, natos adfirmet; quando plurimæ Brutiorum urbes in regione illa, quæ modo Calabria dicitur, ostenduntur: ut historiam nostram vel a limine salutantibus innotescit.

## §. II.

*Cujus nationis Christi Tortores fuerint,  
ex aliorum Scriptorum monumentis coinciduntur.*

**M**iratur valde Dominicus Martyre in M. S. multo-  
ties laudato, quod quum Lictores apud Roma-  
nos dicti fuerint Cyprii, Placentini, Lucani, Brutii,  
&c. ignominia Christum flagellandi, & crucifigendi,  
ad solos Brutios adscribatur. Potiori jure nos demira-  
mur, quod quum Romanorum Lictores in Judæa in-  
certum sit, cuius nationis fuerint, assieveranter tamen  
Christo flagella infligendi, & Christum cruci affigen-  
di, provincia solis Brutii adsignetur. Admisso enim,  
quod probatum supponimus, Brutios non habuisse in  
pœnam, ut Lictores essent; aut ergo nulli apud Pilati-  
tum,